



PARLIMEN MALAYSIA



RANG UNDANG-UNDANG

Chukai Pendapatan Tambahan (Pindaan) 1971

DR.59/1971

RANG UNDANG²*bernama*

Suatu Akta bagi meminda Akta Chukai Pendapatan Tambahan, 1967

MAKA INI-LAH DI-PERBUAT UNDANG² oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Ra'ayat yang bersidang dalam Parlimen, dan dengan kuasa daripada-nya, seperti berikut:

1. Akta ini boleh-lah di-namakan Akta Chukai Pendapatan Tambahan (Pindaan), 1971.

Tajok
ringkas.

2. (1) Akta Chukai Pendapatan Tambahan, 1967 ada-lah dengan ini di-pinda mengikut chara yang di-nyatakan dalam Jadual bersama ini.

Pindaan.
46/67.

(2) Pindaan² yang di-nyatakan dalam Jadual bersama ini hendak-lah di-sifatkan sa-bagai telah mula berkuatkuasa pada tarikh yang di-nyatakan dalam Jadual tersebut.

3. Ordinan No. 47 (Kuasa² Perlu) Dharurat, 1970 ada-lah dengan ini di-mansokhkan.

Peman-
sokhan.

JADUAL

(Pindaan² bagi Akta Chukai Pendapatan Tambahan, 1967)

1. Sekshen 10 ... (1) Potong koma sa-lepas perkataan "cease" dan perkataan "otherwise than on death," yang terdapat dalam baris 3 dan 9 dalam sekshen-kecil (1).
- (2) Pindaan dalam perenggan (1) hendak-lah di-sifatkan sa-bagai telah berkuatkuasa bagi tahun taksiran 1970 dan tahun² taksiran kemudian-nya.

2. Sekshen 15 ... (1) Potong koma sa-lepas perkataan "cease" dan perkataan "otherwise than on death," yang terdapat dalam baris 3 dan 9 dalam sekshen-kecil (1).

(2) Pindaan dalam perenggan (1) hendak-lah di-sifatkan sa-bagai telah berkuatkuasa bagi tahun taksiran 1970 dan tahun² taksiran kemudian-nya.

3. Sekshen 18 ... (1) Gantikan angka "3" dengan angka "4" yang terdapat dalam baris 2 sekshen-kecil (1).

(2) Pindaan dalam perenggan (1) hendak-lah di-sifatkan sa-bagai telah berkuatkuasa bagi tahun taksiran 1968 dan tahun² taksiran kemudian-nya.

4. Sekshen 25 ... (1) Potong koma sa-lepas perkataan "cease" yang terdapat dalam baris 3 dan 10 dan perkataan "otherwise than on death," yang terdapat dalam baris 3, 4 dan 10 sekshen-kecil (1).

(2) Pindaan dalam perenggan (1) hendak-lah di-sifatkan sa-bagai telah berkuatkuasa bagi tahun taksiran 1970 dan tahun² taksiran kemudian-nya.

HURAIAN

Menurut kuasa² dharurat, Yang di-Pertuan Agong telah mengishtiharkan Ordinan No. 47 (Kuasa² Perlu) Dharurat, 1970 untuk meminda Akta Chukai Pendapatan Tambahan, 1967.

Pindaan² itu telah di-buat berbangkit daripada pindaan² yang di-buat kapada sekshen 45 dan 47 Akta Chukai Pendapatan, 1967 oleh Ordinan No. 38 (Kuasa² Perlu) Dharurat, 1970 (yang peruntukan²-nya ada-lah di-masokkan dalam undang² yang kekal di-bawah Rang Undang² yang berasingan). Pindaan itu mengadakan peruntukan supaya pendapatan sa-saorang balu di-taksir sa-bagai pendapatan sa-orang perempuan yang tiada suami bagi tahun taksiran yang berikutan dengan tahun suami-nya mati. Dalam lain² perkataan, pendapatan-nya yang tertaklok kapada chukai pendapatan, chukai keuntongan bijeh timah, chukai pembangunan dan chukai keuntongan perkayuan tidak akan di-champorkan dengan pendapatan suami-nya bagi tahun itu.

Rang Undang² ini sa-mata² bertujuan untuk memasokkan pindaan² itu dalam undang² yang kekal.

[PN. (U²) 192.]